

1368 mai.

1368.

imperator primo anno pontificatus domini Urbani pape V.
 cum multo apparatu et regia comitiva honorando ipsius pape
 pontificium eiusdem presentiam in civitate Avinionensi, ubi
 tunc ipse papa cum sua curia residebat, personaliter visitavit.
 Ubi ipse per dictum dominum papam cum maxima benignitate
 susceptus stans continuo ibidem per spacium circiter integri
 mensis familiarissima frequenter cum domino apostolico mis-
 cuit colloquia, multis vicibus solus cum solo in palatio papali
 considerans per dies et noctes integras de communibus et contin-
 gentibus negotiis pertractando. Post annos tandem aliquot dum
 dominus Urbanus papa quintus cum sua curia ad urbem Ro-
 manam accessisset, prefatus Carolus imperator ad subvenien-
 dum Romane ecclesie contra oppressionem tyrannorum Italie,
 presertim vicemcomitum Mediolanensium ab ipso domino apo-
 stolico accessitus transivit cum magno exercitu armatorum
 in Italiam iterato, et visitans ipsius domini pape presentiam
 in urbem ad ipsam accessit; ubi dum quodam die ipse domi-
 nus papa de suburbanis, ubi moram fecerat, intraret in urbem,
 dictus imperator cum multo comitatu sibi obviis, postquam
 ventum fuit ad portam civitatis, descendit de equo et ex humili-
 tatis devotione stratoris fungens obsequio frenum equi,
 cui insedit dominus papa, manu capiens usque ad gradus beati
 Petri pedester eundem dominum papam ad manum duxit.
 Tandem votis domini Urbani pape, propter que venerat accessitus,